



Համարը N 1018-Ն
Տիպը Հրաման
Սկզբնաղբյուրը ՀՀԳՏ 2013.02.01/3(447) Հոդ.26
Ընդունող մարմինը Էկոնոմիկայի նախարար
Ստորագրող մարմինը Էկոնոմիկայի նախարար
Վավերացնող մարմինը
Ուժի մեջ մտնելու ամսաթիվը 11.02.2013

Տեսակը Հիմնական
Կարգավիճակը Գործում է
Ընդունման վայրը Երևան
Ընդունման ամսաթիվը 29.11.2012
Ստորագրման ամսաթիվը 29.11.2012
Վավերացման ամսաթիվը
Ուժը կորցնելու ամսաթիվը

- Կապեր այլ փաստաթղթերի հետ**
- Փոփոխողներ և ինկորպորացիաներ**

ՀՀ ԷԿՈՆՈՄԻԿԱՅԻ ՆԱԽԱՐԱՐԻ ՀՐԱՄԱՆԸ ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ՍԵՐՏԻՖԻԿԱՏԻ ՁԵՎԸ, ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ՆՇԱՆԻ ՊԱՏԿԵՐԸ, ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ԳՐԱՆՑԱՄԱՏՅԱՆԻ ՎԱՐՄԱՆ ԿԱՐԳԸ ԵՎ ՉԱՓՄԱՆ ՄԻՋՈՑԻ ՍՏՈՒԳԱԶՈՒՄԱՆ ԴՐՈՇՄԻ ԱՐՏԱՏԻՊԻ ՊԱՏԿԵՐՆԵՐԸ ՍԱՀՄԱՆԵԼՈՒ ԵՎ ՀՀ ԱՌԵՎՏՐԻ ԵՎ ՏՆՏԵՍԱԿԱՆ ԶԱՐԳԱՑՄԱՆ ՆԱԽԱՐԱՐԻ 2004 ԹՎԱԿԱՆԻ ՕԳՈՍՏՈՍԻ 24-Ի N 142-Ն ՀՐԱՄԱՆԸ ՈՒՅԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ

«Գրանցված է»
 ՀՀ արդարադատության
 նախարարության կողմից
 24 հունվարի 2013 թ.
 Պետական գրանցման թիվ 10313019

ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ

ԷԿՈՆՈՄԻԿԱՅԻ ՆԱԽԱՐԱՐ

29 նոյեմբերի 2012 թ.
 ք. Երևան

N 1018-Ն

Հ Ր Ա Մ Ա Ն

ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ՍԵՐՏԻՖԻԿԱՏԻ ՁԵՎԸ, ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ՆՇԱՆԻ ՊԱՏԿԵՐԸ, ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ԳՐԱՆՑԱՄԱՏՅԱՆԻ ՎԱՐՄԱՆ ԿԱՐԳԸ ԵՎ ՉԱՓՄԱՆ ՄԻՋՈՑԻ ՍՏՈՒԳԱԶՈՒՄԱՆ ԴՐՈՇՄԻ ԱՐՏԱՏԻՊԻ ՊԱՏԿԵՐՆԵՐԸ ՍԱՀՄԱՆԵԼՈՒ ԵՎ ՀԱՅԱՍՏԱՆԻ ՀԱՆՐԱՊԵՏՈՒԹՅԱՆ ԱՌԵՎՏՐԻ ԵՎ ՏՆՏԵՍԱԿԱՆ ԶԱՐԳԱՑՄԱՆ ՆԱԽԱՐԱՐԻ 2004 ԹՎԱԿԱՆԻ ՕԳՈՍՏՈՍԻ 24-Ի N 142-Ն ՀՐԱՄԱՆԸ ՈՒՅԸ ԿՈՐՅՐԱԾ ՃԱՆԱՉԵԼՈՒ ՄԱՍԻՆ

Ղեկավարվելով «Իրավական ակտերի մասին» ՀՀ օրենքի 72 հոդվածի 1-ին մասի 1-ին կետի բ) ենթակետով և «Չափումների միասնականության ապահովման մասին» Հայաստանի Հանրապետության օրենքի 10-րդ հոդվածի 2-րդ մասի 4-րդ, 5-րդ և 6-րդ կետերով և Հայաստանի Հանրապետության կառավարության 2002 թվականի հուլիսի 11-ի թիվ 1229-Ն որոշման 2-րդ կետով հաստատված կանոնադրության 13-րդ կետի «դ» ենթակետով՝

Հրամայում եմ.

1. Սահմանել՝

- 1) չափման միջոցի տեսակի հաստատման սերտիֆիկատի ձևը՝ համաձայն N 1 հավելվածի,
 - 2) չափման միջոցի տեսակի հաստատման նշանի պատկերը՝ համաձայն N 2 հավելվածի,
 - 3) չափման միջոցի տեսակի հաստատման գրանցամատյանի վարման կարգը՝ համաձայն N 3 հավելվածի,
 - 4) չափման միջոցի ստուգաչափման դրոշմի արտատիպի պատկերները՝ համաձայն N 4 հավելվածի:
2. Ուժը կորցրած ճանաչելի Հայաստանի Հանրապետության առևտրի և տնտեսական զարգացման նախարարի 2004 թվականի օգոստոսի 24-ի «Չափումների միասնականության ապահովման մասին» Հայաստանի Հանրապետության օրենքի առանձին հոդվածների կիրարկումը ապահովելու մասին» N 142-Ն հրամանը:
3. Սույն հրամանն ուժի մեջ է մտնում պաշտոնական հրապարակման օրվան հաջորդող տասներորդ օրը:

Տ. Դավթյան

Հավելված N 1
 ՀՀ Էկոնոմիկայի նախարարի
 2012 թվականի նոյեմբերի 29-ի
 N 1018-Ն հրամանի

Հայաստանի Հանրապետության
 Էկոնոմիկայի նախարարություն
 Չափագիտության ազգային
 ինստիտուտ
 Չափագիտության ազգային
 մարմին

Министерство экономики
 Республики Армения
 Национальный институт
 по метрологии
 Национальный орган
 по метрологии

The Ministry of
 Economy of Republic of Armenia
 National Institute of Metrology
 National Body of Metrology

ՍԵՐՏԻՖԻԿԱՏ
 ՉԱՓԱՆՆ ՄԻՋՈՑՆԵՐԻ ՏԵՄԱԿԻ ՀԱՍՏԱՏՄԱՆ
СЕРТИФИКАТ
 ОБ УТВЕРЖДЕНИИ ТИПА СРЕДСТВ ИЗМЕРЕНИЙ
CERTIFICATE
 OF PATTERN APPROVAL OF MEASURING INSTRUMENTS

ՄԵՐՏԻՖԻԿԱՏԻ ՀԱՄԱՐԸ
 HOMER CERTIFIKATA
 CERTIFICATE NUMBER

№ _____

Փորձում է օրենքի № _____ 20 թ.
 Декретом № _____
 Valdim tili

Սույն սերտիֆիկատը հաճառում է որ պետական փորձարկումների օրտեկան արդյունքների հիման վրա հաստատված է

չափման միջոցի անվանումը _____ մանասկը.

արտադրված _____

որը զրանցված է չափման միջոցների Պետական գրանցամատյանում № AM _____
 տակ և թույլատրված է կիրառման Հայաստանի Հանրապետությունում:
 Տեսակի նկարագիրը ներկայացված է սույն սերտիֆիկատի հավելվածում:

Չափագիտության ազգային
 մարմնի ղեկավար _____

« _____ » _____ 20 թ.

Հավելված N 2
 ՀՀ Էկոնոմիկայի նախարարի
 2012 թվականի նոյեմբերի 29-ի
 N 1018-Ն հրամանի

ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ՆՇԱՆԻ ՊԱՏԿԵՐԸ



Հավելված N 3
 ՀՀ Էկոնոմիկայի նախարարի
 2012 թվականի նոյեմբերի 29-ի
 N 1018-Ն հրամանի

Կ Ա Ր Գ

ՉԱՓՄԱՆ ՄԻՋՈՑԻ ՏԵՍԱԿԻ ՀԱՍՏԱՏՄԱՆ ԳՐԱՆՑԱՄԱՏՅԱՆԻ ՎԱՐՄԱՆ

1. Սույն կարգով կարգավորվում են Հայաստանի Հանրապետությունում արտադրված և ներմուծված տեսակը հաստատված չափման միջոցների գրանցամատյանի վարման հետ կապված հարաբերությունները:
2. Գրանցամատյանում գրանցման ենթակա են այն չափման միջոցները (այսուհետ՝ ՉՄ), որոնք ենթակա են օգտագործման օրենսդրական չափագիտության տարածման ոլորտներում՝ հաստատված «Չափումների միասնականության ապահովման մասին» ՀՀ օրենքով և որոնց տեսակները հաստատվել են փորձարկումների արդյունքների հիման վրա և թույլատրվել են Հայաստանի Հանրապետությունում շրջանառության մեջ դրվելու համար:
3. ՉՄ-ի գրանցումը և գրանցամատյանի վարումը կատարվում է հետևյալ նպատակներով.
 - 1) տեսակը հաստատված ՉՄ-ի հաշվառման և Հայաստանի Հանրապետությունում շրջանառության մեջ դրվելու և կիրառման համար թույլատրված ՉՄ-ի մասին տեղեկատվական տվյալների ֆոնդ ստեղծելու համար,
 - 2) շահագրգիռ կազմակերպություններին, տնտեսվարող սուբյեկտներին, ինչպես նաև տեսակի հաստատման փորձարկումների արդյունքների փոխադարձ ճանաչմանը համագործակցող օտարերկրյա պետությունների չափագիտական կազմակերպություններին գրանցված ՉՄ-ի մասին տեղեկատվական ֆոնդի տվյալներով տեղեկատվական ապասարկում կազմակերպելու համար:
4. Գրանցամատյանի վարումն իրականացնում է Չափագիտության ազգային մարմինը:
5. Գրանցման համար անհրաժեշտ են հետևյալ փաստաթղթերը՝
 - 1) ՉՄ-ի ստուգաչափման կամ եզակի թվով ՉՄ-ի վկայագրման փաստաթուղթը,
 - 2) ՉՄ-ի տեսակի նկարագիրը,
 - 3) ՉՄ-ի փորձարկումների վավերագիրը,
 - 4) ՉՄ-ի տեսակի հաստատման մասին սերտիֆիկատի ճանաչման որոշումը տրված օտարերկրյա պետությունների չափագիտական կազմակերպությունների կողմից, եթե առկա են ՉՄ-ի տեսակի հաստատման մասին փոխճանաչման համապատասխան համաձայնագրեր, կնքված չափման միջոցներ արտադրող-արտահանող երկրի և Հայաստանի Հանրապետության միջև:
6. ՉՄ-ի գրանցամատյանի վարման ընթացքում Չափագիտության ազգային մարմինը իրականացնում է հետևյալ գործառնությունները.
 - 1) ՉՄ-ի հաստատված տեսակների գրանցումը,
 - 2) Չափագիտության ազգային մարմնի կողմից հաստատված և գրանցամատյանում գրանցված ՀՀ-ում շրջանառության մեջ դնելու և կիրառելու համար թույլատրված ՉՄ-ի մասին տեղեկությունների տեղեկատվական ֆոնդի

կազմավորումը,

3) գրանցամատյանի փաստաթղթերի, ինչպես նաև այն նյութերի պահպանումը, որոնց հիման վրա կատարվում է ՉՄ-ի հաստատված տեսակների գրանցումը,

4) շահագրգիռ կազմակերպություններին սահմանված կարգով գրանցված ՉՄ-ի մասին տեղեկությունների տեղեկատվական ֆոնդի տվյալներով ապահովումը,

5) գրանցամատյանում ժամանակին համապատասխան փոփոխությունների կատարումը,

6) Անկախ պետությունների համագործակցության (ԱՊՀ) անդամ երկրների միջպետական գրանցամատյանի համար տեղեկատվության նախապատրաստումը:

7. ՉՄ-ի հաստատված տեսակների գրանցումը կատարվում է գրանցման համար անհրաժեշտ փաստաթղթերի լրակազմի առկայության դեպքում՝ 5 աշխատանքային օրվա ընթացքում.

1) գրանցման ժամանակ ստուգվում է փաստաթղթերի լրակազմությունը սույն կարգի 4-րդ կետին համապատասխան,

2) ՉՄ-ի հաստատված տեսակների մասին տեղեկությունները գրանցվում են գրանցամատյանում: ՉՄ-ի յուրաքանչյուր տեսակին տրվում է գրանցման համար, որը բաղկացած է գրանցման հերթական համարից և տեսակի հաստատման տարվա վերջին երկու թվանշաններից,

3) գրանցամատյանում գրանցելուց հետո ձևակերպվում է ՉՄ-ի տեսակի հաստատման մասին սերտիֆիկատը 2 օրինակից: Առաջին օրինակը մնում է ՉՄ-ի մասին տեղեկությունների տեղեկատվական ֆոնդում, իսկ երկրորդը հանձնվում է հայտ ներկայացնողին:

8. Գրանցամատյանի տվյալներով տեղեկատվական սպասարկումը.

1) շահագրգիռ կազմակերպությունների, ինչպես նաև փորձարկումների արդյունքների ճանաչմանը համագործակցող օտարերկրյա գործընկերների չափագիտական կազմակերպությունների տեղեկատվական սպասարկումը ՉՄ-ի հաստատված տեսակների մասին տվյալներով՝ իրականացնում է Չափագիտության ազգային մարմինը,

2) ՉՄ-ի հաստատված տեսակների մասին տեղեկատվությունը, ինչպես նաև գրանցամատյանից դրանց հանման և կիրառման ոլորտների արգելման կամ սահմանափակման մասին ծանուցումը ենթակա է հրապարակման Չափագիտության ազգային մարմնի պաշտոնական կայքում,

3) շահագրգիռ կազմակերպությունների հարցումներով, գրանցված ՉՄ-ի մասին տեղեկությունների տեղեկատվական ֆոնդի տվյալների հիման վրա:

Հավելված N 4

**ՀՀ Էկոնոմիկայի նախարարի
2012 թվականի նոյեմբերի 29-ի
N 1018-Ն հրամանի**

ՉԱՓՄԱՆ ՄԻՋՈՑՆԵՐԻ ՍՏՈՒԳԱՉԱՓՄԱՆ ԴՐՈՇՄԻ ԱՐՏԱՏԻՊԻ ՊԱՏԿԵՐՆԵՐԸ

1. Մտուգաչափման դրոշմը (ձև 1) տեխնիկական միջոց է, որը նախատեսված է չափման միջոցի և (կամ) ստուգաչափման անձնագրի վրա դրոշմի արտատիպը դնելու համար, ինչպես նաև հավաստելու չափման միջոցի չափագիտական բնութագրերի համապատասխանությունը սահմանված պահանջներին:

2. Ստուգաչափման դրոշմը պետք է պարունակի՝

- 1) Հայաստանի Հանրապետության հապավումը՝ ՀՀ,
- 2) Դրոշմի կիրառման տարեթվի վերջին երկու թվանշանները,
- 3) Չափագիտության ազգային ինստիտուտի պայմանական ծածկագիրը՝ ՉԻ,
- 4) Ստուգաչափողի անհատական նշանը:

Անհրաժեշտության դեպքում կարող է նշվել լրացուցիչ տեղեկություն՝ ստուգաչափում կատարելու եռամսյակը կամ ամիսը:

3. Ստուգաչափողի անհատական նշանի համար օգտագործվում են հայկական այբուբենի մեծատառերը, թույլատրվում է նաև օգտագործել փոքրատառեր:

4. Թույլատրվում է Հայաստանի Հանրապետության պաշտպանության նախարարության դրոշմների վրա դնել նախարարության տարբերանշանը ռուսերեն այբուբենի մեծատառերով՝ «МО»:

5. Եռամսյակները նշվում են հռոմեական թվանշաններով՝ I, II, III և IV:

6. Ստուգաչափման բացասական արդյունքների դեպքում ստուգաչափման դրոշմի արտատիպը մարվում է (ձև 2):

7. Դրոշմների անվանումը և չափերն են.

- 1) Պողպատյա հարվածային, կլոր, տարեկան, 6 մմ,
- 2) Պողպատյա հարվածային, ձևավոր, տարեկան 3,5 և 6 մմ,
- 3) Պողպատյա կլոր, տարեկան 8 մմ,
- 4) Ռետինե կլոր, 18 մմ,
- 5) Մարման պողպատյա տարեկան 8 մմ,

6) Մարման պողպատյա հարվածային 3,5 և 6 մմ:

8. 3,5 մմ-ոց դրոշմները պետք է պարունակեն՝

1) Հայաստանի Հանրապետության հապավումը - ՀՀ,

2) դրոշմի կիրառման տարեթվի վերջին 2 թվանշանը,

3) ստուգաչափողի անհատական նշանը:

Դրոշմների տրամագծերի նոմինալ չափերը ընտրվում են՝ 1.5, 3.5, 6.0, 8.0, 12.0, 16.0 և 18.0 շաքից:

ՍՏՈՒԳԱԶԱՓՄԱՆ ԴՐՈՇՄԻ ԱՐՏԱՏԻՊԻ ՊԱՏԿԵՐՆԵՐԸ

Ձև 1

Ստուգաչափման դրոշի պատկերը



Ձև 2

Մարման դրոշմի պատկերը

